



REPUBLIKA E SHQIPËRISË  
KOMISIONI QENDROR I ZGJEDHJEVE

Komisioni Rregullator

Data: 24.1.2024

Nr: 1

Ora: 15:30

V E N D I M

P Ë R

**DISA NDRYSHIME DHE SHTESA NË VENDIMIN NR.22, DATË 23.02.2022, TË KOMISIONIT RREGULLATOR, "PËR MIRATIMIN E KODIT TË ETIKËS TË KOMISIONIT QENDROR TË ZGJEDHJEVE"**

Në mbështetje të nenit 12, pika 4, nenit 20, pika 1, shkronja "a", të ligjit nr.10019, datë 29.12.2008, "Kodi Zgjedhor i Republikës së Shqipërisë", të ndryshuar, me propozimin e një anëtari, Komisioni Rregullator

V E N D O S I:

I. Në tekstin e Kodit të Etikës, i miratuar me vendimin nr.22, datë 23.02.2022, të Komisionit Rregullator, bëhen ndryshimet dhe shtesat si më poshtë vijon:

1. Neni 2, ndryshohet si më poshtë vijon:

"Neni 2

Fusha e veprimit

- Dispozitat e këtij Kodi janë të detyrueshme për organet e zgjedhura drejtuese, të Komisionit Qendror të Zgjedhjeve, si vijon:
  - Komisionerin Shtetëror të Zgjedhjeve,
  - Komisionin Rregullator,
  - Komisionin e Ankimimeve dhe Sanksioneve,
  - Nënkomisionerin Shtetëror të Zgjedhjeve.
- Zbatimi të dispozitave të këtij Kodi i nënshtrohen zyrtarët/punonjësit e Komisionit Qendror të Zgjedhjeve, si vijon:

Data: 24.1.2024 Nr:1  
Ora: 15:30



Për disa ndryshime dhe shtesa në vendimin nr.22, datë 23.03.2023, të Komisionit Rregullator

- a) NËpunësit civilë të Komisionit Qendror të Zgjedhjeve dhe ata të punësuar me kohëzgjatje të pacaktuar sipas Kodit të Punës,
  - b) Punonjësit e punësuar në kabinetin e Komisionerit Shtetëror të Zgjedhjeve,
  - c) Punonjësit e punësuar me kohëzgjatje të caktuar gjatë periudhave zgjedhore,
  - d) Administrata zgjedhore e niveleve të tjera në periudhë zgjedhore,
  - e) Praktikantët që ushtrojnë praktikën pranë Komisionit Qendror të Zgjedhjeve.
3. Dispozitat e këtij Kodi vendosin standardin minimal të zbatueshëm të rregullave të etikës që duhet të zbatohen nga kategoritë e përcaktuara në pikat 1 dhe 2 të këtij neni.”.
4. Në nenin 7, pika 1, pas shkronjës “c”, shtohet shkronja “d” me këtë përmbajtje:
- “d) Rregullat e hollësishme për veshjen dhe paraqitjen në punë, përcaktohen nga Rregullorja e Brendshme e institucionit.”.
5. Në nenin 9, paragrafi i dytë, përpara fjalës “punonjësit” shtohet “zyrtarët/”.
6. Në nenin 11 bëhen këto ndryshime:
- a. Në pikën 3 fjala “Nëpunësi” zëvendësohet me “Zyrtari/punonjësi”.
  - b. Pas pikës 5 shtohet pika 6 me këtë përmbajtje:
- “ 6. Zyrtari/punonjësi, i cili gjatë ushtrimit të detyrave të tij, ka fituar ose ka njohuri mbi të dhëna personale të individëve/subjekteve, i nënshtrohet detyrimit për ruajtjen e konfidencialitetit mbi to, sipas përcaktimeve të ligjit nr.9887, dt.10.03.2008 “Për mbrojtjen e të dhënave personale”, i ndryshuar.”.
7. Në nenin 15, pika 2, pas fjalës “ish-zyrtari” shtohet “/ish-punonjësi”.
8. Pas nenit 15, shtohen nenet 15/1 dhe 15/2 me këtë përmbajtje:

**“Neni 15/1  
Komunikimi me median**

Në lidhje me marrëdhënien me median dhe deklaratimet publike, zyrtari/punonjësi nuk duhet të bëjë deklarime në publik ose media, që mund të dëmtojnë reputacionin e institucionit, si dhe që mund të interpretohen apo lidhen me pozicionin e tij në KQZ.

**Neni 15/2  
Kontaktet me organe të tjera të administratës publike/shtetërore**

Data: 24.1.2024 Nr:1  
Ora: 15:30



Për disa ndryshime dhe shtesa në vendimin nr.22, datë 23.03.2023, të Komisionit Rregullator

Zyrtari/punonjësi, duhet të respektojë rregullat e etikës të përcaktuara në këtë Kod, në çdo rast kur kontakton me organe të tjera të administratës publike/shtetërore dhe punonjës të saj. Në këto kontakte ai duhet, paraprakisht, të bëjë prezantimin zyrtar nëpërmjet kartës identifikuese të institucionit, të shpjegojë qëllimin e kontaktit, si dhe të shmangë çdo shfaqje të arrogancës apo presionit ndaj një organi tjetër të administratës publike/shtetërore.”.

9. Në nenin 16, pas pikës 2 shtohen pikat 3, 4 dhe 5 me këtë përmbajtje:

“3. Zyrtari/punonjësi duhet të kërkojë këshillim nga njësia e personelit të institucionit kur është i pasigurt për të vepruar.

4. Eprori direkt i zyrtarit/punonjësit ka përgjegjësi të kontrollojë nëse ai zbaton rregullat e parashikuara në këtë Kod dhe të propozojë masat e duhura disiplinore për shkeljet e tij.

5. Shkeljet e rregullave të përcaktuara në këtë Kod, kur nuk përbëjnë veprë penale, ndëshkohen në rrugë administrative, sipas legjislacionit në fuqi.”.

10. Kudo në tekst pas fjalëve “zyrtari”, “zyrtarët” shtohet “/punonjësi”, “/punonjësit”.

II. Ky vendim hyn në fuqi menjëherë dhe publikohet në faqen elektronike zyrtare të Komisionit Qendror të Zgjedhjeve.

<b>Ilirjana NANO</b>	<b>Kryetar</b>
<b>Arens ÇELA</b>	<b>Anëtar</b>
<b>Dritan ÇAKA</b>	<b>Anëtar</b>
<b>Helga VUKAJ</b>	<b>Anëtar</b>
<b>Muharrem ÇAKAJ</b>	<b>Anëtar</b>